

痧證彙要卷二

勸醫說

夫痧急證也。不可以常證視之。亟宜請醫調治。而為醫者。聞請即往。視力所及。不計貧富。如拯溺救焚然。蓋病有不及藥而死者矣。未聞有早飲藥而死者也。慎勿故為遲留。曰以待病勢之稍定。夫醫仁術也。當以仁心行之。

治痧宜先辨證

太倉孫

玘鶴隄編輯

青浦何其偉書田校閱



南京中医药大学图书馆版权所有

痧痛而絞動者。痧毒壅阻於食積之氣分也。痧痛而不
移者。痧毒壅於血分而有瘀也。痧發於頭面上部者。痧
之毒氣上壅也。痧纏於手足下部者。痧之毒血下注也。
痧有上吐下瀉者。痧氣上下衝激也。痧有煩悶氣脹者。
痧氣壅塞於心膈也。痧有惡寒發熱者。痧氣遏抑於肌
表也。痧有胃脘偏痛者。毒血流滯於經絡也。痧有結滯
腸胃者。食積血瘀為腫為脹也。痧有吐血便血者。痧血
泛溢而憂潰敗也。痧有咳嗽喘急者。痧毒壅於氣分而
生痰逆也。痧有立時悶死者。痧之毒血攻心也。痧有手
足軟而不能運者。痧入於血分而毒注下部也。痧有腰

脇俱痛者。痧阻於血分而有瘀也。痧有偏痛於半身者。毒注於半身而瘀血也。痧有身重不能轉側者。痧之毒血壅瘀而不能轉運也。痧有變成腫毒潰爛者。毒血凝滯而攻壞肌表也。凡治痧脹一見脉之不合於證。先看痧筋。次審氣色。三聽聲音。四推犯病之由。其間或有食積。血痰阻於上中下左右各處之分。須細辨其病源。然後用藥不誤也。凡痧脉有一部獨異。有六脉俱異。即有異之中。亦有陰陽虛實。脉之神氣可辨。要非一端可執。尚其審諸。

痧脉十二經辨



脉。芤。而。浮。者。肺。痧。也。脉。芤。而。散。者。心。痧。也。脉。弦。長。而。動。者。肝。痧。也。脉。芤。大。而。滑。實。者。脾。痧。也。脉。沉。細。而。動。止。不。勻。者。腎。痧。也。大。腸。之。痧。類。於。肺。而。長。小。腸。之。痧。類。於。心。而。細。膽。之。痧。類。於。肝。而。數。胃。之。痧。類。於。脾。而。緊。膀。胱。之。痧。類。於。腎。而。浮。虛。三。焦。命。門。之。痧。脈。必。怪。異。

痧脉外感内傷辨

傷。食。之。痧。脉。多。戰。動。傷。血。之。痧。脉。多。芤。滑。傷。暑。之。痧。脉。多。洪。滑。而。疾。數。傷。風。之。痧。脉。多。沉。微。穢。觸。之。痧。脉。多。變。異。不。常。傷。氣。之。痧。脉。多。沉。伏。或。形。如。雀。啄。傷。寒。濕。之。痧。脉。多。沉。細。

治痧耳看涼熱

痧犯太陽則頭痛發熱。犯少陽則耳旁腫脹。寒熱往來。犯陽明則面目如火。但熱而不寒。犯太陰則腹痛。犯厥陰則少腹或胃脇痛。犯少陰則腰痛。以上皆身涼。犯肺則咳嗽痰喘微熱。甚則鼻衄。犯心則心痛或心脹。其額冷汗如珠。而身或熱或涼。犯膀胱則小便溺血。甚則身熱。犯大腸則痢下膿血。重則嘔吐身熱。犯肝則沉重不能轉側。晡熱內熱。甚則吐血。犯三焦則熱毒內攻。上攻口渴。下則便結。治痧當辨身涼身熱。蓋身涼而內熱者。宜攻其裏。外熱者宜透其肌。



痧觀脉證不合

痧證脉多微緩細澀。有時弦數。縱浮大亦虛而無力。徐疾不倫。或有六脉俱伏。伏亦無妨。痧氣既退。脉即漸還。假如證有厥冷不語。脉應沉細而反滑數。證有頭痛壯熱。脉應洪實而反微遲。此皆脉證不合。須識其痧。一取其青紫筋而辨之。自有確見。俟放過之後。再診脉之來復何如。以斷病之寒熱虛實。施治。若無痧筋。則憑脉斷其寒熱虛實用藥。

或曰犯痧似傷風何如。曰肺主皮毛。心主血。肝主筋。傷風犯痧。三部脉現者居多。且風陽也。風傷衛在表。故脉

浮。傷風有汗。表虛也。故脉緩。犯此證。脉不浮。緩反見沉。緊。或洪大。痧脹一驗也。若傷風帶寒。鼻塞畏冷。脉當浮。而微緊。脉反沉伏。或芤長。痧脹二驗也。若傷風熱。鼻塞聲重。喉痛。脉當浮。而微數。脉反沉緊。或芤或伏。痧脹三驗也。若傷風有痰。氣急發喘。脉當浮滑。反微細沉伏。痧脹四驗也。以此推之足矣。

駱 傷風發熱。咳嗽痰喘。已半月矣。左脉沉伏。右脉濡而微數。此慢痧為患也。左腿灣放二鍼。流黑紫血。又刮痧不愈。付寶花散。加明礬末。稍冷湯飲之用。荆芥湯減川芎。加蘇子。紅花。蒲黃。土貝母。烏藥。微冷飲。

之而愈

高傷風鼻塞，肩背拘急，頭頂疼痛，有以足太陽膀胱經治之，頭頂益痛，叫喊不已，甚至肩背沉重，時覺昏迷，左寸微伏，右關芤大，先服圓紅散稍醒，刺腿灣六鍼，不愈，用寶花散，清茶微冷飲之，肩背稍轉，頭痛稍安，詢所服者，腹中覺冷，即用防風散痧湯，減枳殼加羌活、川芎、紫蘇、烏藥，溫飲寒散而安。

凌室傷風，喉啞，胸腹飽悶，兩關俱芤，芤者瘀血，未有上下俱疼，其痧乎？令刮之，紫痧甚多，飽悶即解，付獨活紅花湯加射干、前胡、薄荷、石斛、連翹、元參，二劑微

冷飲之傷風喉啞俱痊

或曰犯痧似傷寒何如曰冬月正傷寒。身熱無汗。人迎
脉緊盛。若餘月雖有頭疼惡寒。身熱無汗。總名傷寒。人
迎脉未有緊盛者。假如冬月有正傷寒之證。不見正傷
寒緊盛之脉。或變為沉遲。或變為微細。是脉證不合。痧
證之發可知。且如傷寒有兩手無脉曰雙伏。一手無脉
曰單伏。必有正汗也。此以汗之將來。一時脉伏言之。非
云時時脉伏而有汗也。若所犯傷寒證已如是。而脉之
伏也。日日如是。則脉與伏脉正汗之說不合。獨不可驗
其痧乎。又如傷寒傳經熱證。有云氣口緊盛。傷寒之驗。

若證犯胃中飽悶。宜氣口緊盛。脉反若空虛。脉證不合。更可驗其痧之發矣。

痧有眩暈。與諸暈證不同。大都血暈。脉芤。氣暈。脉沉。痰暈。脉滑。火暈。脉數。濕暈。脉濡。暑暈。脉虛。血虛發暈。脉微。風中而暈。脉浮緩。寒中而暈。脉弦緊。勞力而暈。脉有尺。浮洪。此暈脉之大略也。若病似血暈。脉反短。似氣暈。脉反浮。似痰暈。脉反濇。似火暈。脉反遲。似濕暈。脉反勁。似暑暈。脉反實。似血虛發暈。脉反滑。似氣虛發暈。脉反大。似風中而暈。脉反沉緊。似寒中而暈。脉反微緩。似勞力而暈。脉反細實。是皆脉證不合。歷驗之。而信其為痧也。



霍室

四月間壯熱面赤，口渴唇焦，有以陽明胃經藥

治之，遂發暈，終日不醒，脈兩寸弦細，兩關沉微，兩尺

左大右緊，脈證不合，痧毒內攻也。先用蘇木散砂仁

湯微冷飲之，令放指上痧二十餘鍼，血色墨黑，猶不

醒，放乳邊痧二鍼，乃醒，餘證不減，用蒺藜散微溫湯

飲之，付桃仁紅花湯加枳殼，四劑下盡惡毒黑物而

痊。

梅 三月間吐蛔發暈，昏沉不醒，六脈俱伏，左右虎

口脈青色，放指頭痧一十八鍼，用細辛大黃丸清茶

調黑糖稍冷飲之，漸醒，付蒲黃飲減薑黃加陳皮烏



藥紅花微冷湯調黑糖飲之乃愈

姜室正月間驟然發暈一日三次脉沉而微緊令放指上痧三十餘針用救苦丹加沉香末清茶稍冷飲之付荆芥銀花湯加薑子枳殼一劑而痊

痧脉决生死法

脉微細者生實大急數者重洪大無倫者凶一部無脉者輕一手無脉者重兩手無脉者危六脉無根放痧服藥不應者不治諸怪脉現放痧服藥不應者死

痧脹凶證

痧有心胃高起如饅頭者不治心胃脹極痧毒內攻以

致頭項向上。如角弓反張者死。背心一點痛者死。心胃左右有一點痛者死。腰腎一點痛者死。脇肋痛者不治。四肢腫痛者難治。鼻如烟煤者死。舌卷囊縮者死。環口。鰓黑者死。頭汗如珠。喘而不休者死。

治痧救人脉論

古書所載屋漏雀啄諸怪脉現者死。脉代者死。而痧脹之脉。都有類諸死脉者。尚可挽救萬一。毋執常脉而輕棄之也。

陳室懷娠發熱。赤痢腹痛不止。服他藥不效。診之脉四動一止。代脉也。閱有痧筋。放二十餘針。用寶花散。

微冷服之付桑寄生益母草連翹蘇梗紅花銀花山
查蔔子當歸枳殼青皮赤苓微冷飲四劑而痊
金 九月間適因勞動飲食不時忽壯熱頭痛自
紫蘇湯薰頭而大汗胃中脹悶他醫用藥下之反口
吐白沫舌胎灰色或以傷寒治之飲半小鍾少頃即
譫語片時而止熱仍不解愈覺沉重脉有八至連易
三醫皆服傷寒藥譫語如前第五日眼如火赤唇若
塗朱鼻如烟煤舌胎黑燥枯乾而短聲音不清足冷
至腹陰囊卵縮肉脫神昏醫皆辭不治至七日放痧
二針唇眼舌聲諸死證頓愈二卵漸舒脉竟平復始

現腹痛，知口渴，感痧證不可服藥，止飲童便，服紫金錠而痛止，繼進飲食，大便乾結，至十八日用蜜導法，遂變下痢，日夜五六十次，凡六日始服痧證藥一劑，即安睡，痢乃止，後延他醫調理補之不數日，睡時即發遍身水晶痞癰，覺時即隱，醫家莫解其故，刮穿額間痞癰，流出皆汗也，即盜汗不止，他醫咸謂久病虛脫，大用補劑，斂汗不惟無益，更加自汗，且完穀不化，小便短赤，頻數，變為痧淋，醫又束手，爰復放痧，用八正散二劑服之，痧氣始轉，身復壯熱，約二更時身涼汗止，惟日食生苡菇，五六日痧淋亦止而全愈，變

幻遲久總因止放二針不服痧藥以除根之故也究以治痧而得全脉而入至死證雖多其可棄耶

唇舌辨

唇舌色黑者凶。色黃者重。色淡紅者略輕。蓋黃色內熱。黑色熱極。淡紅色雖熱。用藥不可太冷。又要看有胎無胎。其證始有治法矣。

舌胎論

痧脹有別證之舌胎。舌胎非即痧脹之證。蓋舌胎乃足陽明胃腑熱極。氣衝心胸。舌為心苗。故見胎。治宜石羔黃芩黃柏之類。若不先治痧。恐此等藥又寒凝血分。反

成大患。故先理其痧。後治舌胎可也。

翁發熱口渴。舌有黑胎。卧難轉動。氣急六脉洪實。放痧三十餘針。未愈。用圓紅散砂仁湯微溫飲之。又付必勝湯。大便下黑糞。惟口渴黑胎未愈。加石羔黃連一劑。乃瘳。

痧兼雜證

傷寒雜病。自有本脉。若兼痧證。其脉必變。病必凶暴。治法先治其痧。痧退然後治其本病。然亦不可單治雜證。而舍痧餘毒。必於雜證劑中。更兼解毒活血。至於胎前產後。是宜一時並重。

